



Newspapers Menu ▾ 'ā

Ka Nupepa Kuokoa, Volume III, Number 24, 11 June 1864 — Moa Nu Hou. [ARTICLE]

[Back](#)

Moa Nu Hou.

E KA NUPEPA KUOKOA E; ALOHA OE.—E hoolaha ae oe i keia wahi nu ma kela wahi keia wahi o keia mau mokupuni, i ike mai ai ka poe e lawe ana i kou kino, a me na keiki puni nu hou mai Hawaii a Kauai.

Eia ua wahi nu hou la, ua hanau mai he ohana Moa na kekahi kanaka ma Waipio, Hawaii, o Nahanelua, ka mea nana ua ohana moa nei, a mailoko mai o keia ohana moa, kekahi moa kupanaha, penei kona ano: He moa keiki eleele, o ke ano nae, he moa maoli no; aka, eia kona wahi kupanaha, he ekolu ona mau wawae, o na wawae kahiko e like no me ke ano mau o ka moa, a o ke kolu hoi o ka wawae, aia malalo iho o ka pupua, ma ka aoao hema o ka puka hoo-maha.

Aia ma ka wawae kupanaha, me he mea la, elua wawae malaila; aka, hookahi no iwi, e like me ka wawae okoa, a he kueue malalo iho, a hiki aku i ka mahae ana o na manamana, malaila, ua kaawale ekolu manamana malaila, a ma kekahi mahale o ua wawae la, elua manamana, huiia, elima mana-

hana ma ka wawae kupanaha, ewalu hoi manamana ma na wawae kahiko, huiia he 13 manamana wawae o keia wahi moa ano kupanaha! Nani kau mau hana e ke Akua. Ke ola nei no keia wahi moa.

A. W. P. WAILELEOHILAWE.

Waipio, Hamakua, Hawaii, Aper. 29, 1860.

This article has been automatically clipped from the Ka Nupepa Kuokoa 11 June 1864, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).